

四庫全書

集部

欽定四庫全書

集部

華陽集卷一

六一

詳校官庶吉士<sub>臣</sub>李如筠

檢討<sub>臣</sub>何思鈞覆勘

謄錄監生<sub>臣</sub>嵇承羣

謄錄監生<sub>臣</sub>張曾壇

謄錄監生<sub>臣</sub>范維城

欽定四庫全書

集部三

華陽集

別集類二宋

提要

臣等謹案華陽集六十卷附錄十卷宋王珪撰珪字禹玉成都華陽人後徙舒舉慶曆二年進士第二授大理評事累官翰林學士知開封府兼侍讀學士神宗時拜尚書左僕射門下侍郎哲宗即位封岐國公卒贈太師謚

文恭事蹟具宋史本傳珪少掇高科以文章  
致位通顯不出國門而致參預大政詞人榮  
遇蓋罕其比晚居相位惟務持祿固寵與蔡  
確朋比沮司馬光復依阿時局倡興西夏之  
後大為物論所不予人品事業皆無可取然  
其文章則博瞻瓌麗自成一家計其登翰林  
掌文誥者幾二十年朝廷大典策皆出其手  
故其多而且工者以併儷之作為最揖讓於

二宋之間可無愧色王銍謝伋陸游楊萬里  
等往往稱之殆非虛美其詩以富麗為主故  
王直方詩話載時人有至寶丹之目以好用  
金玉錦繡字也然其揆藻敷華細潤熨貼精  
思鍛鍊具有鑪錘名貴之篇實復不少正不  
獨葛立方方回所稱明堂慶成上元應制諸  
篇為工妙獨絕矣集本一百卷諸家著錄皆  
同自明以來久已湮沒僅宋文鑑文翰類選

等書略載數篇今從永樂大典各韻中裒掇  
排比所存詩文尚夥而內外制草為尤備其  
生平高文典冊大約已罕所遺佚謹依類編  
次釐為六十卷其遺聞逸事與後人評論之  
語見於他書者亦詳加蒐輯別為附錄十卷  
系之集末用資考核至其中有青詞密詞道  
場文齋文樂語之類雖屬當時沿用之體而  
究非文章正軌不可為訓今以原集所有姑

附存之而刊本則驟加刪削焉乾隆四十二年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

華陽集  
提要



欽定四庫全書

華陽集卷一

宋 王珪 撰

五言古詩

白鷺亭詩

白鷺敞西軒棟宇窮  
與壇千峰若聯環  
翠色不可解是時  
天宇曠六幕無纖  
靄金斗熨秋江素  
練橫衣帶乾坤清  
且斂氣象朝昏改  
蘆花作雪風飛舞  
來滄海九霄汀鶴  
起萬里檣烏快月  
上三山頭鳥沒橫  
塘外蒼茫洲渚

寒銀錯星斗大開樽屏絲竹披襟向簫籟余生本江湖  
偃蹇欣作會清興雖自發苦嗜亦吾累魚龍憑夜濤四  
面忽滂湃安得犀燈然煌煌發水怪

來燕堂聯句

賢侯謝郡歸從遊樂吾黨林泉富餘地卜築疎陳莽是  
時春正中來燕音下上若賀大厦成喜留衆賓賞樂得  
名因笑談揮墨粲題榜所夸賢豪盛豈止池榭廣人心  
樂且閒鳥意頡而頡吟罇敞花軒醉枕酣風幌修輕雲

薄藻棟初日麗珠網紅袂生暗香清絃泛餘響林深隱  
飛蓋岸曲遲去槩波光欄檻明竹氣衣巾爽珪虛容涼  
樾入影與文漣蕩晨飈轉綠蕙夕雨滋膏壤嘉辰喜盍  
朋命駕期屢往觴詠陶淑真世俗豈吾倣洙得以為勝  
遊蕭然散煩想公子固好士世德復可像今此大基構  
不圖專奉養美哉風流存來葉足師仰絳

和景彞誚扶出者

天子重論秀待之以公卿志士抱竒節猶或塲屋輕學

能苦自琢詩書腹縱橫胡為懷袖間挾冊角崖生訶卒  
闕其旁執衣來叩楹狂狙就新縛跳突哀且鳴豈不念  
寒孤顧有素令明利祿非可苟辱甚捨弗烹

七言古詩

和梅聖俞感李花

朝摘桃花紅破萼暮摘李花繁滿枝客心浩蕩東風急  
把酒看春能幾時舞衣未放哀絃闕鶉鷄欲鳴花影絕  
將軍白首不功名霸陵千古流青血

樓上述懷

空樓百尺江之滸醉上凭軒懷故土數鴻秋入衡陽雲  
一帆暮過瀟湘雨庾客傷心欲斷絃文通別淚空橫柱  
舊山幾畝林泉鄉安得歸兮事農圃

和聖俞莫登樓

莫登樓樓外華燈人競遊翠枝威威六素蚪鳴梢一聲  
從天頭金爐烟開雉尾収正見月射雙瓊鈎半峯飛泉  
落驚漚嗑紫霧魚龍浮絃清管高脆欲流霜寒雛鳳

丹山愁臺上美人春風柔舞腰回急寶釵投禁街特勅  
香車留簾疎的皪排星眸畫省宵閒空翠憐束如窮兔  
離新采況驚白髮心悠悠安復繁華事輕裘寄言俠少  
誰為倚爛醉玉樓歌始休

和永叔思白兔戲答公儀憶鶴雜言

兔自明月窟中出鶴從羣玉峰頭下人間俗眼未嘗窺  
已為兩家藏以詫玉堂詞人本仙材光芒偶落銀河罅  
謫向埃塵五十春所趣無一不滿洒為愛霜蹄特皎潔

貯以雕籠綠標亞有時驚躑歛若犇丹眸眩轉雙珠射  
靈昌太守新歸來惜將清淚寄京舍玉繩低闕春露寒  
常恐陰林惡聲嚇傳宣忽出右銀臺詔急許馳天廐馬  
却辭丹陛鑠南宮兔鶴欲攜俱不暇是時雪後簾幕明  
燈火冷落入清夜兩翁相顧悅有思便索粉牋揮筆寫  
有客月底吟影動猝繼新章亦竒雅大都吟苦不無牽  
遂約東家看姪姪醉翁良憤詆高懷却揮醉墨幾欲罵  
我聞此語初未平隨手欲和思殊寡玉山滄海莫放翻

然歸織腰綠鬢何妨為君倒金尊

五言律詩

送僧歸吳中

閒心輕出世遠念起游方  
漱月拋茶井眠雲夢草堂歸  
程指山色去影背湖光  
欲問重來日孤雲未可量

送山人程惟象東歸

君來客京洛奇術世所聞  
人事固倚伏物情徒糾紛  
衣  
霑九門雨夢繞故山雲  
飲罷忽東去浩歌秋日曛



梅

冷香疑到骨瓊豔幾堪餐半醉臨風折清吟拂曉觀贈  
春無限意和雪不勝寒桃李有慙色枯枝試並欄

郊外

策馬陟平原天空蕩楚氛秋聲無限葉暮色幾重雲草  
遠烟痕濶山迴鳥道分行行吟未已歸路日西曛

雪晴

溟渤蕩無垠東嶼掛日輪風雲始迴雨天地不飛塵氣

動千峯翠光浮萬瓦鱗南亭一駐馬十里望青春

題招提院靜照堂

身雖在城邑趣不落人間門外塵埃滿庭中日月閒  
潮隨朝梵響雨入定衣斑幾欲攜筇去松陰一叩關

依韻和吳相公史院開局

曉下金門路君筵聽召餘簪纓三壽客筆削兩朝書  
身老誰逢此思深盡醉歎傳聞訪遺事應走史臣車

司馬遷少

當乘傳求四方諸侯遺事

依韻和王原叔內翰禁直有懷

暮鑰嚴溫省宵鈴靜浴堂銀花無奈冷

劉夢得詩銀花懸院榜

瑤

草又還芳夢久聞仙吹班清犯曉霜帝閣何所叩一炷  
祝堯香

聞邵興宗拜命

訪政鳴堯鼓旌賢走漢輪帝方驚主父人已薦平津筆  
落三千健恩頒尺一新歸來前席問榮路邇嚴宸

書隱者壁

客路森如棘巖棲靜掩關陶巾春漬酒謝屐晚回山醉  
夢雷霆息棋聲日月閒我慚櫻世網暫此一怡顏

秋風

獵桂來鍾嶺披椒度漢宮雲飛汾水濶葉下洞庭空海  
國檣帆壯邊城鼓角雄誰知洛陽客歸意在江東

送滕舜敷

七閩雖遠地王事有程期已試文無害定知才不羈仙  
山觀日處雲海落潮時會府多休暇新詩倘見貽

有感

聞笛更懷舊望鴻難寄音  
西風行客淚明月故人心  
離恨江波濶歸期歲景深  
何時紫溪隱尊酒起狂吟

即事

雲日散朝陰清江更一臨  
北堂無草積南浦有波深  
春意饒芳樹晴光動翠岑  
自慙機亦淺勞起海鷗心

林亭詩

地迴林泉好乘閒會勝游  
深沉烟色聚瀟灑雨聲收  
貧

過揚雄宅狂思范蠡舟寄言賞心友巾褐此經秋

送史寺丞赴真州六合縣

南國江山好仍聞聚六峯歸心急春浪別夢悵晨鐘手

澤存遺愛

先大夫嘗宰是邑

民歌接舊封涼秋鼓子楫文酒待

相從

夏日登望海亭詩

藻棟臨流啟涼飈蕩暑迴清如游玉宇快若在蘭臺海  
鷁吟中下番航望次來披襟殊未已雲外月弦開

金陵

賞心亭下路平昔  
艤歸艤游子去何許  
綠蕪春自芳城根  
侵海斷日脚射雲  
長往事不堪問東風  
故壘荒

依韻恭和聖製龍圖天章閣觀三聖御書

半夜傳君召西清  
閱帝文筆回丹穴  
鳳

法書要錄有丹穴鳳舞清泉龍

躍之比歌起沛中雲  
御幄金蚪轉仙墀  
羽仗分君王自天  
縱況復眷心勤

依韻和王宣徽春雨

春入東郊雨油然協氣通曉漸猶未破歲事已知豐輦

鳳翔仙霧臺烏轉瑞風

是日東風應候

野農徒鼓舞何以謝天

功

和人聞雁二首

岑寂夜將半一聲來枕前無風起羣籟有月在中天行  
子夢初斷故鄉書未傳不須聞別鶴冷涕已潸然

塞長霜草白天濶夜雲愁影過空江月聲來別枕秋鄉  
音何處託客恨幾時休況有冥飛志無為弋者求



荷葉

柄密藏溪路香清盪客襟  
碧筒聊助飲紫橐自供吟  
魚戲涼波動龜巢夕霧深  
橫塘雙槳急菱唱有餘音

和聖俞春雪

二月猶逢雪春寒一倍加  
雲重應阻雁風橫祇愁花  
碧水離思斷瓊樓醉倚斜  
誰知下帷苦未曉已聞鴉

喜雪

大野重陰合危樓遠望迷  
風兼萬籟響天與四溟低  
病

樹先春發驚鳥未曉啼好同伊水客香阜訪靈棲

和王景奩中丞哀病

東風吹畫省哀病若為情自惜春將過相逢老已驚夜  
愁聊把酒早夢忽聞鶯猶喜年來事門前桃李生

富谷館

萬雀噪山館重來一叩扉去年寒夢在今日遠書違是

遣使走馬奏平安初寄家書

殘雪留春索疎星掛曉衣帝鄉不可望

心與白雲飛

金陵會月

疎颺水風起此宵何太清危樓人未下獨樹鳥頻驚寒  
漏三更急秋江萬里橫淒然六朝恨依舊照空城

發會同館

一持天子節茲喜去龍庭大漠夜猶白寒山春不青峯  
多常蔽日地絕欲回星同類惟所適鳴鑣毋暫停

送人南歸

自得歸休請勞生事已平幾年懷故隱此日悟浮榮車

騎少塵迹溪山多去情所安清白望真可激時英

松

天地得正氣四時無易心生來本孤節高處獨千尋月  
影龍蛇動風枝簫籟吟如何楓與柳亦擬傍清陰

五言排律

郊祀慶成詩二首

有宋乘炎運于今邁百年祖功雖不易子聖自能傳寶  
歷迎長至神丘放大圜靈宮千福降清廟一誠專翠仗

鉤陳下青城斗極邊側班回衆弁虛次待高煙晦霧初  
宵斷晴雲未曉鮮天形何磊落帝步亦周旋麗澤沾魚  
鳥休歌被筦絃歡聲兼嶽動和氣與春連在昔開鴻業  
斯民入化甄監危常鼎鼎受祉更乾乾此日膺神筴孤  
臣老禁筵願將成命頌獨奏邇英前

國重天之報神歆德所存孝須三后配禮莫一郊尊翠  
羽來千仗鳴鏡下九閭服維周冕盛樂自舜韶温未酌  
羣靈降先祠萬玉犇黃流凝夕裸紫焰亘宵燔星拱低

宸幄雲回護帝轅祥輝新日月佳氣浹乾坤紹古歸鴻  
鑠含生濯至恩欽惟齋格至仰福在元元

大饗明堂慶成詩

皇祐更秋律明堂奉帝禋藻盛雖薦德霜露本懷親於  
赫朝三后無文秩百神九筵交玉幣重屋近星辰邃幄  
留飈御清壇墮月津衣冠漢儀舊金石舜韶新受胙開  
宣室鳴鐘降紫宸羣陰先伏旦協氣斗回春靈貺叢千  
祝豐恩滲四垠慙非老辭筆徒學頌堯人

慶壽崇因閣次韻

崇因開寶構金碧畫相輝禁蹕隨曦馭曾城轉斗機梵  
音獅子吼妙相鵠王歸洛水浮神篆天花滿御衣塔疑  
從地湧棟儼入雲飛上行乘今果羣迷悟昨非慧珠常  
自照法雨徧成霏但起真如念梯梁即可幾

擬試置章御座詩二首

睿聽來嘉論憂勤政事昌顯顯瞻帝座諤諤置臣章語  
切青規上文留黼宸傍受言初拜禹罪已忽興湯進牘

須盈几垂衣豈下堂只應千載治危諫屬忠良  
君心圖治切座置直臣章密奏留中宸虛懷拱峻廊聰  
明開二帝道德勸三王溫室焚初藁丹帷緝舊囊呈書  
勞夜覽造膝被天光欲識憂民意忠規不可忘

采藻為旒

皇祐五年  
南省擬試

端宸垂君治顯昂十二旒藻文兼組爛玉氣若虹浮體  
重宸居邃仁深帝視収珠光延外燭星采會中稠法服  
雖周盛巖廊自舜遊無為格天下涵德永孚休



題瑞芝圖

樂國芝呈瑞賢侯貳郡時甘棠方蔽芾仙草亦葳蕤異  
種傳三秀靈華粲九枝幽陰吐光怪朽腐化神奇美政  
邦人頌嘉祥聖主知特書輝史策寵錫下天墀治行能  
如此公台到匪遲誰為燕許手洒筆播聲詩

依韻恭和聖製俯同太師文彥博玉津園賜宴  
席上述懷

上苑張瑤席春風萬象新誰知掛冠客曾是釣璜人感

遇歸真主勲勞念老臣曲成雙鳳舞酒入百花醇日月  
恩華滿朝廷喜氣均天章照黃髮異數極君仁

喜定號

憶昨懷君詔章臺聽暮鐘人從太微下書自道山共彩  
鳳看飛筆長虹見吐胷冤家成行對謂對讀側理入腰封

謂封彌

海濶珠難探山輝玉易攻別吟平樂賦高第唱西

靡

欽定四庫全書

華陽集卷二

宋 王珪 撰

七言律詩

聞神諤米脂川大捷

神兵十萬忽乘秋，西磧妖氛一夕收。  
疋馬不嘶榆塞外，

長城自起玉關頭。

兵未進討邊人望見漢城列峙西界中

君王別繪凌烟

閣將帥今輕定遠，侯莫道無人能報國。  
紅旗行去取涼

州

送僧惠思歸錢塘

城邑喧喧非所依，忽生秋思滿巖扉。  
晨趺未雨千花落，晚渡臨風一錫飛。  
定有魚龍窺鉢應，無塵土上禪衣。  
寶文聖偈誰為解，只恐林泉亦暫歸。

冀館春夕見月

甚寵無如使牡行，曾同萬里聽秋聲。  
黃金臺下嘶宛馬，木葉山前度漢旌。  
纔到關南逢雁盡，重來海上見波平。  
故人臨月應相望，一夕寒光特為明。

池亭月下獨坐

遊雲銷盡月當空  
危坐西軒快水風  
往恨忽從中夜起  
賞心難與故人同  
鼠驚琴匣聞餘響  
螢度蓮塘見亂紅  
星薄漏稀猶不寐  
寒聲通夕戰疎桐

月夜有寄

莎階切切思寒蟹  
爽籟泠然露氣涼  
半夜雲高蟾噴暈  
一秋風緊桂飄香  
烏驚危樹棲無定  
人倚空樓望更長  
遙憶洞庭南去客  
葉翻波急駐歸艎

送人東歸

會稽新綬振恩輝，故里人瞻畫錦歸。  
驪馬在門歌祖席，彩絲當膝戲親闈。  
霜天夕霽丹楓老，水國秋深紫蟹肥。  
遶閣雲山吟有助，高談終日訟筭稀。

奉和敬叔弟七月十二夜胡伯恭園池對月即  
事之作

小庭追涼月生衣，紅葉靜對丹桂枝。  
凌波亭亭仙佩冷，弄香嫋嫋香風吹。  
百憂身世得一笑，二妙風流此一時。

關干獨夜發深省憑詩寄與心相知

遊賞心亭

六朝遺跡此空存城壓滄波到海門  
萬里江山來醉眼  
九秋天地入吟魂于今玉樹悲歌起  
當日黃旗王氣昏  
人事不同風物在悵然猶得對芳樽

春日郊外

十里烟郊晝景和春閒流水綠生波  
樓前人意望無盡  
柳上風光來最多雨歇隴雲猶潏潏  
草薰村燕自經過

忽忽歸路迎殘照尚得桑間駐玉珂

雷塘晚歸

塘梢黯黯夕雲低蒼莽荒原望四迷  
海日光寒銜島樹江潮聲暴壓城顰  
喬林風勁橫鷗眼淺草霜乾快馬蹄  
戰血未收邊戍苦玉龍誰為一提携

夜意

沈寥爽澈游氛收淡河如掃凝不流  
影過遠水雁侵月目斷故鄉人倚樓  
黃葉半林霜送曉悲笳一曲風橫秋



江南幾載未歸客  
燈寂帳寒心正愁

遊山寺詩

寒日征驂懶復回  
經宵仍喜駐巖隈  
徑盤幽迹遙知鹿  
林透清香定有梅  
曉影瘦猿窺澗溜  
夜聲肥栗託爐灰  
我心非動我非靜  
白足禪僧無妄猜

和元參政喜雪

千里同雲向夕繁  
風迎嘉雪臘前翻  
紫壇轉仗回馳道  
玉律驚灰入奉元  
半夜桂花飄碧海  
先春柳絮撲朱門

萬方已有豐年號，不惜當筵醉御樽。

和石昌言舍人酬王景彝學士雪霽有懷

寒雲飛斷九門深，日上扶桑海氣沈。  
初見雲端浮紫闕，忽驚塵外列瑶林。  
芝封詔墨春生潤，綺結官錢夕帶陰。  
官職聲名君自有，何妨更絕郢中吟。

樂天贈楊給事落  
句不用更教詩句

好折君官  
賦是聲名

依韻和曾侍中謝二府相顧

年年常過平津館，解組歸來苦未羸。  
曉日初臨金闕動。

春風正與玉盃期三公就第誰同壽丞相傳經自有兒  
感舊不辭今日醉江湖思去已多時

京口遇大風

虹蜺赫奕射中天怒竅風號勢塌然雲翼扶搏彌九萬  
海帆飛迅越三千鯨噓駭浪時開闔鰲負靈山或沂泔  
安得琴高控雙鯉一驅霾曠靜洪淵

劉損齋主簿見示遊廣教和劉朔齋詩次韻

紅葉村邊白板扉林間剝啄愧新知離居自信難同俗

全宋文卷之二  
卷二  
載酒何時許問奇黃蘗人亡空有寺錦袍仙去更無詩  
知君此日登臨意不比兒曹飽腹嬉

依韻和景彞觀刑部廳燕侍郎畫山水二首

昔人曾此憐幽壁醇墨今留隱約間猶帶驚波下滄海  
常迎爽氣入朝山苔文半染風霜古鳥影時過歲月閒  
誰更瀟湘移雨竹滿軒踈灑翠成斑

秋曹壁上奇山水官冷尤將野趣宜翠竹忽逢行盡處  
白雲相伴看多時于今絕筆誰還識當日清吟亦欠詩

猶喜一來重拂拭慙無佳句續君辭

余昔領刑部亦無然公山水詩

莫京甫知事有臺掾之辟賦詩識別二首

烈士思酌國士知雲霄羽翼政相期人言雅望臺中妙  
我識壯懷天下奇自是英才為世用由來了事笑兒癡  
回頭說向虞羅輩鵠舉鸞竄可得羈

蘭生空谷混荆榛不礙幽香到處聞幕府才流推謝掾  
宣州賓客憶崔羣清懷疊陣三秋月行橐雙溪一片雲  
白髮書生何以報慚君出力衛斯文

和劉原父舍人雪霽早朝

琪樹無聲粉藥圓  
峩雙闕射雲鮮  
寒交玉珮趨三殿  
曉拜珠旒下九天  
仙仗影翻初照月  
高門塵絕欲生烟  
燕餘寶陌騰歸馭  
更為都人賦有年

自述

少從客路千波轉  
老入流年萬事疎  
野鶴定知乘寵誤  
春冰多愧踐名虛  
幾思漢殿金盤露  
恣閱蓬山綠字書  
未報君恩成白髮  
翻然江海羨吾廬

和三司蔡君謨內翰麀猿蘆雁屏二首

麀猿未省京華見，畫筆新傳思入神。  
綠野春深將戲子，空山月午掛吟身。  
只應有夢須懷土，却為無機不避人。  
我愛林泉舊時景，常來此處暫相親。

江蘆初老渡新鴻，誰把高情托畫工。  
索索西風尉寒羽，蕭蕭殘日伴疎叢。  
漁舟欲下灘聲急，談麀重揮暑氣空。  
身在計庭歸未得，每將秋思入圖中。

和公儀飲茶

北焙和香飲最真綠芽未雨帶旗新煎須卧石無塵客  
摘是臨溪欲曉人雲疊亂花爭一水

閩中關茶  
爭一水

鳳團雙

影貢先春清風未到蓬萊路且把吟甌伴醉巾

和景彝對花

林梢拂曉禽初哢門外經春柳自搖可嘆流年催白髮  
更將幽意屬芳條玉盃放酒成蕭索錦帳留燈照寂寥  
任是名園更風雨殘枝須插醉明朝

送汪叔志赴平江州同知

叔志連菴桂苑展驥  
巴陵良初欣林顧我



輩情鍾相望雲泥不能無離索之感因成俚句  
以寫別懷庶幾無忘角弓之意云爾戊午良月

浣中

鵲袍纔卸便牙緋笑我山中菱製衣姓字兩回香桂籍  
聲華一日動天扉政有霜螯須別駕待呼巴菊壽慈闈  
千古岳陽登覽地好詩相寄莫相違

送人赴三衢

三衢城在水雲間游倦紅塵出帝闕春摘茗芽懷舊苑  
畫翻棋劫望前山官資尚薄人應嘆風景全清我自閒

况是君家辭氣盛仙瀛應待濯纓還

再召至龍圖閣觀書

君王又詔蓬萊宴三閣崔嵬壓海鰲翠玉裝輿容扈蹕  
黃金塗紙看揮毫堯文自與星辰爛漢殿常依日月高  
四十年來無此會恩深不覺醉仙醪

被詔考制科呈胡武平內翰三首

奉詔金門草聖題平明趨過殿西墀宮牀賜筆宣名早  
楮案焚香上策時朝論只應收峻傑皇心非不監安危

玉堂詞客承恩久幾度曾來醉御卮

禁中屢頒醇醴街飲幾醉

清曉華芝度景陽凝嚴又許對西廂通宵客夢聞鈞吹  
幾日朝衣帶御香東觀圖書經屢讀舊溪桃李見新芳  
三千文字皆竒冊飽死侏儒詎足量

忝班清禁接嚴徐詔侍延英訪對初滄海烟霞連太液  
丹青日月近雕輿明廷已奏安危策紫府誰將姓字書  
從此青雲知有路致君材業不應疎

胡則大學士滿秩趨京賦詩為贈

一室蕭然數卷書三年冷掾出無驢每因芳草憂鶉鴉  
苦詠塲苗羨白駒俗吏何嘗知大體清朝方急用真儒  
燕臺從去流聲實見說諸公誦子虛

舟行述懷寄公儀

昔陪畫省對春菲今日逢春未得歸灼灼海棠誰復折  
差差燕子又還飛清尊須惜良辰共白髮俄驚萬事非  
昨夜淮山好風月為君終夕促瑤徽

又寄公儀四首

紫掖新書換使符，春晴紅旆照行轡。曾持白簡風何厲。

更伏青規論益孤。

公今官  
諫列

月露清吟應到骨，江山別夢

欲成圖。聞教雙鶴先歸去，還到遼城似舊無。

聞先寄二  
鶴西歸別

登

又擁雙旌去，守蒲波從天上泛。歸艫青雲慷慨逢辰早。

白髮逶迤事主孤，薄宦多端非我素。清吟終日是君圖。

錦江春色年年好，憶把遊人醉袖無。

公謂告西歸  
久而未報

千里行行近帝都，拍堤新浪喜銜鱸。天涯芳草春過盡。

樓北浮雲客望孤，醉倚東風輕萬事。  
夢留滄海阻歸圖，為憐何遜多才思。  
還信休文帶減無。

花撲行人柳蔭渠，每逢嘉趣為停艫。  
留連一水風光暮，

悵望今宵月影孤。

睢陽之會  
又經再夕

漢橐暫持來，法從臯禽還。

引上仙圖中，條侯騎知非遠。肯盡都門別酒無。

聞琵琶

夜拍水雲非故鄉，未聞終曲已淒涼。  
舟中月白寒江濶，馬上酸風紫塞長。  
思婦有懷停別杵，征人無語對清觴。

平時不見秦城役餘韻空傳戰壘荒

題道錄陳景元中太乙宮種玉軒詩

一住仙祠絕世塵庭前種玉已嶙峋朝昏龍虎常聽法  
左右瓊瑤自逼人翠鳳有時翻瑞影銀蟾通夕墮清津  
黃金絡馬何年醉得去同遊幾洞春

留題吳仲庶省副北軒畫壁兼呈楊樂道諫院  
龍圖三首

文書滿眼紛紛裏忽覺滄波起荻洲紅日不知華省暮

扁舟如下洞庭秋，林泉傲物非無約。軒冕拘人此未休。

與拂素塵尋絕景，羨君瀟灑特遲留。

僕被詔蠲欠累至省中

誰將畫手分平遠，幾度曾窺雁鷺洲。六月炎風方病暑。

五湖烟景已迎秋，班趨規地來常晚。

樂道裁定諸路  
酤額日赴省中詩

入籠紗思未休，為惜主人林下意。暮鐘沉閣尚應留。

聞道北牕開繪境，偶來歸思滿滄洲。卷簾宿鳥驚初旭。

隔浦疎林似舊秋，夢憶清溪知幾曲。醉尋危磴欲三休。

何時又賜通中枕，與對雲山盡日留。



依韻和賈直孺舍人初春祠左太乙二首

嚴祠初綴漢墀班  
燦燦珠煇照幄寬  
玉殿威神來帝福  
紫垣風骨敵春寒  
芝華擁蓋陰猶合  
桂醕流觴飲欲殘  
拂曉東風迎馬首  
鳴珂歸背月珊珊

太乙靈宮近帝都  
夕迎丹節下層虛  
方從宣室承釐後  
更約浮邱把袂初  
文藻自高鵷掖  
詔姓名應冠藻臺書

我慙昔預祠春客  
曾夢鈞天侍燕胥

昔年嘗被  
詔祠立春

訪別成獻甫經歷時新拜西臺御史之命二首

江上秋風吹繡衣客槎西上渺天涯得為李御平生願  
一識荊州是別時栢署行分秦地月棠陰好在召南詩  
日邊消息長安近佇聽朝趨上玉墀

寒露迎風一段冰高標孤映宛之濱人言颺擊須鷹隼  
我喜時清覩鳳麟佇看仙班朝北極暫移星節照西秦  
皇華禮樂君恩重好訪巔崖慰遠民

又上監察御史

時州縣方  
議後儒

一札興賢聖化新觀光上國已彬彬右文幸際休明世

奉詔猶須牧守臣，鷓鴣不為芳草計。  
鷓鴣似畏罽羅人，輶車到處天恩遍。  
祇有儒林欠得春。

送公闢給事自州致政歸吳中

青瑣仙人解玉符，秋風一夜滿江湖。  
曾歌郢水非凡曲，未掃旄頭負壯圖。

公昔出使憤然屢折敵人

終日望君天欲盡，平生

知我世應無。扁舟定約元宮保，瀟灑蓮涇二大夫。

採蓮涇在

蘇州南園後

--	--	--	--	--	--	--	--

欽定四庫全書

華陽集卷三

宋 王珪 撰

七言律詩

送范景仁正議致政歸潁昌

十年漢殿辭榮去，潁水今歸作故鄉。  
曾賦洞簫真蜀客，能吟夜雨勝何郎。  
公少以詩賦動塲屋放懷雲外追黃鵠，別夢春深過玉堂。  
可惜當年挂冠早，華星不及到文昌。

涿州

涿州亭下柳依依誰折長條送客歸  
曉月未消燕戍酒春雲初拂漢臺衣  
玉堂社燕宜先入沙磧晴鴻已半飛  
回首青山欲千里行人猶自馬駢駢

依韻和張文裕龍圖賀執政入東西府詩

微生巾褐本蒿萊叨遇優賢府第開  
雲繞連甍依象闕玉調清管下鈞臺  
幾年憶共鷓鴣侶今日慙非柱石材  
莫訝門庭光采盛金輿親屈帝尊來

又依韻和吳樞密上史館王相公西府偶成

卿冲

昔與介甫  
同領郡牧

潭潭相對府中居見說論交二紀餘喜賜御花新燕後  
憶乘天馬並遊初公期異日還伊水我合窮年老石渠  
早晚相從掛雙紱午橋春雨看園蔬

正月五日與館伴耶律防夜燕永壽給事不赴  
留別

萬里來持聘玉通今宵賓燕爲誰同鏡歌自醉天山北  
漢節先隨斗柄東半夜騰裝吹朔雪平明躍馬向春風

使車少別無多戀只隔燕南一信中

和永叔出省有日書事

青葱嘉樹鎖連甍閒憶東樓望遠情禁壘曉烟浮舊色  
御溝春水漱新聲杯盤冷落留芳草簾幕陰沉聽亂鶯  
漢殿未傳紅蠟燭到家猶得赴清明

次胡則大賦雪韻

凍雀無聲風葉乾坐來飛霰灑窓寒梅花歲歲如相待  
瓊樹朝朝不厭看邑犬倉皇驚越俗崖松偃亞老秦官



衰顏不作安仁樣一任斜吹上鬢端

又次韻

吟邊莫放酒杯乾玉樹瓊樓不奈寒授簡誰當梁苑賦  
泛舟聊作剡溪看但知盈尺占豐歲豈爲無氈笑冷官  
想得題詩呵凍硯固應清興入毫端

新亭

獨上新亭怨不勝荒城搖落暮烟凝翠筠無限悲湘水  
玉碗空聞泣茂陵秋館樹寒風戰葉夜樓人散雨飄燈

紫臺路遠關山隔回首陰雲幾萬層

客感

行子征驂去易迷故鄉回首在天涯春心南陌風光遠  
曉夢西樓月影遲沈客帶寬無奈瘦阮生車斷不勝悲  
花狂蝶亂家園晚何事東歸竟未期

依韻和章樞密景靈宮奉安列聖神御

清都鏡吹犯宵寒寶帳雲龍度帝關禁蹕忽傳天直北  
仙山元在海中間九門日月蒙嘉氣六殿衣冠繪粹顏

翠輦歸來朝獻罷，千官齊拜未央班。

呈景仁偶書

昔對芳樽常感慨，今同華髮半蕭疎。唐家一代成青史，

景仁新刊成唐史漢殿多年誦子虛，丹鳳春裁西掖詔，白麻夜

草北門書幾時，却奉承明謁玉藥，花邊並直廬。景仁新被召集

掖與余直舍並在西廡

戲呈唐卿

行到鹿兒山更峭，八千歸路可勝勞。長安日遠思親髮，

紫漢星回促使輶曉磴雲濃藏去驛陰崖水折斷前橋  
羈懷一夕猶難遣况是辭家九十朝

呈景彛偶書

一從奉詔銀臺路下馬成詩奪鳳毫東觀已陪窺秘錄

南宮又接較羣髦

皇祐中嘗同  
較藝南宮

芝封紫掖文章貴星近

端門氣象高

景彛近自西垣  
有中司之拜

今是漢廷三獨坐夜吟猶

許醉春醪

聞喜燕上贈狀元葉祖洽

黼座親臨唱第初宴嬉猶及苑花餘清廟特訪安危策  
紫府應將姓字書御酒連傾金鑿落宮牀曾賜玉蟾蜍  
從來晁董多奇論三日英豪亦未疎

依韻和蔡樞密岷洮恢復部落迎降

河湟形勝厭西陲忽覺連營列漢旂天子坐籌星兩兩  
將軍歸旆印纍纍稱觴別殿傳新曲銜璧名王按舊儀  
江漢一篇猶未美周宣方事伐淮夷

依韻和吳樞密上王相公同召赴資政殿聽讀

詩義感事

清曉陳經祕殿中關雎首化屬周公人穿豹尾班初上  
日轉螭頭講未終述作雖尋前聖遠討論猶待後賢通  
漢廷無更矜他說自有匡衡發帝聰

和公儀送白鷗于永叔

公儀自滑州歸

清風樓古琴三尺

樓在滑臺中

玉蘂花飛酒幾缸月窟憐君

霜兔獨金莖誇我露禽雙白鷗浴雪來春檻古瓦涵星  
送曉窓悵望紫微池上鳳主人才品自經邦

元日呈原叔給事唐卿諫議

欲曉東風拂面來，征驂初喜共春回。  
九天應下階庭拜，萬壑先驚漢地雷。  
冷徹貂裘須護節，和侵氈屋莫窮杯。  
出疆慷慨男兒事，未信霜顏便一摧。

友生失意

夢到天闈寤翼傷，拂衣歸去樂江鄉。  
丈夫豈識原非病，丞相應嗤蓋有狂。  
失馬未須嗟北塞，過關重約使南陽。  
君知韜上雄飛日，秋勁霜嚴始一翔。

奉詔赴瓊林苑燕餞太尉潞國文公出鎮西都

都門秋色滿旌旗祖帳容陪醉御卮功業迫高嘉祐末

公至和中首陳建儲之策

精神如破貝州時

白居易晚獻裴晉公詩云聞說風情筋力在只

如初破蔡州時

匣中寶劍騰霜鏢海上仙桃壓露枝

公子近有登瀛之命

昨日更聞褒詔下別刊名姓入烝彝

樓上會友述懷

烟城疎雨隔斜陽一上危樓睇大荒原憲自貧非苦病  
次公未飲已多狂江帆來往年光度驛堠東西客意長



最愛南朝風物好醉魂常夢水雲鄉

依韻和梅聖俞從登東樓三首

萬燈初燒寶龍山御路先迎綵仗還紫極躔星來帝所  
仙風遞管落人間芳醪欲泥追嘉節紅燭翻驚照病顏  
曾從宸遊燕雙闕夢魂通夕繞嚴關

五雲扶闕對南山風獵丹邱燒影還鳳蓋斗回天北畔  
瑤臺直到海中間漏寒錦帳遲歸夢波暖金鍾艷醉顏  
誰在玉樓歌未足林梢春鳥已關關

雲日暉暉下碧山誰從滄海宴初還  
香車輾輾紅塵裏  
紫闕峩峩瑞氣間  
午夜笙歌移法曲  
滿城桃李鬪朱顏  
金吾不禁天街鼓  
獨有文闈已上關

又東樓詩

漢家官省青槐下  
信斷鰲峯日易斜  
應爲能言鑠鸚鵡  
翻愁無思學楊花  
風波滾滾驚人事  
文字孳孳老歲華  
偶向東樓望春色  
歸心不覺到天涯

依韻和蔡參政導洛

浩浩鴻河一派收，亘山回洛駭陰虬。  
錦張客幔從隋去，龜負神書入宋流。  
波急滿川跳萬鯉，氣溫銷凍運千舟。  
誰言伯禹能行水，不見當時爲帝謀。

秋雨

秋容浩蕩夕雲高，昊宇蕭然絕一毫。  
漢塞草平嘶牧馬，越溪風急送歸舠。  
天衢夜失清蟾魄，海國寒飛白鷺濤。  
誰共危樓凌爽氣，左持樽酒右持螯。

靴淀除夕之會呈王原叔給事燕唐卿諫議

歲華相逐走燕塵此夕羈懷暫一申  
把手豈辭三處酒

是夕例有三番之會

別家看作二年人因逢塞雁驚來信却憶江

梅贈去春莫向天涯憂白髮東風猶與到關新

和聖俞春雨

雲飛寒影欲千層暝雨兼風斷復增  
暮暮池臺空鏤樹  
蕭蕭簾幕更飄燈歸將春晚花應笑  
老八年來酒易凌  
溝水東西人悵望錦書雖襞爲誰憑

依韻和永叔戲書

良辰并與賞心難偶對清樽且共歡夢憶江湖無奈遠  
吟牽月露不勝寒曲逢郢雪須歌盡漏繞宮花幾聽殘  
朝鎖樓臺空悵望欲將春恨託飛翰

和景彞正月二十八日偶書

樹含春色明兼暗雲帶朝寒去復還未有燕回羅幕上  
不知人在玉樓間吟魂幾遠青山曲醉夢多遊紫府關  
待得歸時花未老莫因寥落起愁顏

依韻和宋次道龍圖館閣暴書

五雲迎曉禁廬開不及華衣曳老萊

先人久典  
校秘文

寶藏發

函金作界仙醪傳羽玉爲臺已逢天上非常景更約人  
間第一材白首廟堂終乞去明年此會定應來

依韻和吳樞密正月二日留題曾侍中齋閣

昨日春風變舊年連珂來訪紫芝仙三朝元仗鴻鈞手  
萬里今同不繫船壽酒一傾人共醉賜書千軸子多賢  
從前身退如公少莫把長竿憶渭川

滕學士移河朔

五鼓聲沈曉色回  
北馳馬首望燕臺  
舊趨武帳清光近  
新會仙山秘典開  
人惜憇棠餘愛遠  
帝忻借箸密謀來  
邊城消盡還兵喜  
誰敵陽關決勝才

夏夜宿江亭有懷

夜衝江浦始停舟  
天際蕭騷急雨收  
枕上月華清到曉  
簾間風意冷如秋  
一溪碧水懷歸意  
九陌紅塵倦旅遊  
待得星稀城角斷  
舊醒消盡起新愁

呈永叔書事

詔書初捧下西廂重棘連催暮鑰忙綠繡珥貂留帝詔

是夕有綠衣中使傳宣

紫衣鋪案拜宸香卷如驟雨收聲急筆似

飛泉落勢長十五年前出門下最榮今日預東堂

和公儀上馬詩

太微星畔鏢中臺五歲重叨第衆材桃李更饒當日盛

詠觴尤喜一春陪賦成英俊無過潔

奏號第一

詩似神仙並

姓梅

公儀聖俞賡唱最多

拂曉便隨新榜出九門風景馬前來

依韻和景仁聞喜席上作兼呈司馬君實內翰



奉詔華林事最榮門前幾度放門生三朝遇主惟文翰

十榜傳家有姓名

自太平興國以來  
四世凡十榜登科

碧海蟠桃和露重

丹山雛鳳入雲清詩書教子終須立篋裏黃金一顧輕

予與景仁君實  
皆有子登第

### 依韻和蔡相公宣賜金橘詩

翠芳亭畔曉霜寒朱實離離覆御欄况是園林都未有  
初無塵土畧相干黃欺晚菊垂金砌圓並明珠落鈿盤  
珍重九霄新賜得好同仙露薦朝餐

仁字卷子

文昌清曉漏聲踈曾看飛泉落筆初詩入池塘似靈運  
賦傳宮殿學相如春官不下真朱點陰注將成淡墨書  
見說丹臺名第一藥章須詔侍嚴徐

信字卷子

春闈只恐有遺材據案重將信字開白石謾應歌窰角  
黃金枉是起燕臺侵更競看倉惶筆

盧光啟著舉子事更深試未了即被

人圍看筆札倉惶多誤

薄晚誰啣毘毘盃

不捷而醉謂之打毘毘盃出李肇國史補

文

字須從勤苦得，莫霑雙淚向塵埃。

較藝書事

日薄寒雲下結鱗，忽馳詔騎絕飛塵。  
麻衣半犯秦關雪，魚鑰橫催漢署春。  
黃紙貼名書案密，棠梨雕字賦題新。  
高材頃刻聞天下，誰是墻東冠榜人。

元和以前張榜南院東墻

較藝將畢呈諸公

文昌宮裏柳依依，誰折長條贈我歸。  
雨潤紫泥昏詔墨，風吹紅藥上朝衣。  
玉堂燕子應先入，朱閣楊花已半飛。

金史四庫全書  
卷三  
寒食未過春景熟好同天陌去駢駢

較藝書事再呈永叔并同院諸公

小雨班班拂曉除新禽格磔靜相呼  
眼窺夜卷千花碧  
肺渴春盤幾露珠只見樓頭飄落絮  
不知門外長青蕪  
玉堦未放金書榜誰識秦關舊棄繻

普淨院避暑呈陸子履學士

九衢車馬囂囂地偶過禪房得暫閒  
畏景未移天正午  
涼風已到殿中間  
瓜餘玉筋蠲煩肺  
冰滿銀壺照病顏

向晚斗城趨禁直，恍疑身不在塵寰。

再和林喬年學士普淨院避暑

汨汨紅塵倦往還，偶來偷得似僧閒。  
一心自別清涼處，萬事如經夢寐間。  
盡日禪房揮玉麈，幾時仙嶺對冰顏。  
知君有術消煩暑，旋琢瓊瑤出道山。

依韻和元參政喜雨四首

歲旱連春與俗憂，忽興嘉雨徧羣州。  
郊禾薺薺青如積，宮瓦差差翠欲流。  
良弼爲霖辜宿望，神僧作霧應精求。

雨前一夕上夢異僧吐雲霧興雨及覺求其象  
佛閣中乃第十尊羅漢上之精祈感應如此

西成喜

有登年候况此新晴見麥秋

瑤津禱雨見皇憂誰約金仙下帝州樓閣繞雲千地湧  
魚龍噓水五天流至精自與三靈契殊例終緣萬宇求  
柄國老臣無異術但將嘉蔭續陽秋

紫殿宵祈感聖憂玉毫曾降梵王州慈深三界雲常聚  
法徧諸天雨自流襪趁耕昏帝力汙邪滿載爲民求  
年年睿澤霑羣物愧未酬恩鬢已秋

君心常與下民憂嘉應爲霖詎一州夢繞金人雲氣滿  
笑回玉女電光流已成沃野千箱望豈事靈壇屢舞求  
邊粟定儲三百萬臯蘭何必預防秋

依韻和王宣徽冬燕

丞相華堂燕筍飛君恩自與衆心期魯臺况值書雲後  
漢殿仍經喜雪時便有東風來翠幕別翻新曲度瑤池  
教坊近傳  
六符新曲可傷衰病無才思欲續高吟愧色絲

新城寄瓦橋郭太傅

冰天行絕駕歸輶十里清烟望界橋此夕離音留使節  
一心上苑看晴霄燕雲逐馬逢春斷朔雪霑衣入塞銷  
寄語當時四并客東風應已徧柔條

送何聖從龍圖將漕河東

平明捧詔未央宮全晉山河九曲東官着繡衣驚曼倩  
文傳錦里壓揚雄紅旌照日隣天上玉劍橫秋入塞中  
每下銀臺南畔路風塵那復舊時同

樂天銀臺南畔路始是到人間

和元厚之平羌



詔收新土鳳林東  
四百餘年陷遠戎  
葱嶺自橫秦塞上  
金城還落漢圖中  
輕裘坐歎無遺策  
解紱來庭有舊風  
零雨未濛音已捷  
不勞歸旅咏周公

金陵懷古二首

懷鄉訪古事悠悠  
獨上江城滿目秋  
一鳥帶烟來別渚  
數帆和雨下歸舟  
蕭蕭暮吹驚紅葉  
慘慘寒雲壓舊樓  
故國淒涼誰與問  
人心無復更風流

控帶洪流古帝城  
欲尋舊事半榛荆  
六朝山色青終在

千古江聲恨未平  
設險丘陵荒蔓草  
壓邨桑柘接新畊  
十年重到無人問  
獨立東風一愴情

登懸瓠城感吳季子

將軍戈甲從天下  
丞相旌旗匝地來  
堪笑怒螳猶強臂  
不知蟄戶欲驚雷  
吐嗟武相深冤洗  
指顧山東治境開  
吏部聲名千古在  
斷碑何處卧蒼苔

三鄉懷古

清洛東流去不還  
漢唐遺事有無間  
廟荒古木連空谷

宮廢春蕪入亂山  
南陌絮飛人寂寂  
孤城花落鳥關關  
登臨幾度遊人老  
又對東風鬢欲班

登海州樓

城外滄溟日夜流  
城南山直對城樓  
溪田雨足禾先熟  
海樹風高葉易秋  
疏傳里閭尋故老  
秦皇車甲想東遊  
客心不待傷千里  
檻外風煙盡是愁



欽定四庫全書

華陽集卷四

宋 王珪 撰

七言律詩

依韻和蔡樞密山藥

鳳池春晚綠生烟，曾見高枝蔓正延。

中書第一廳有故相呂文靖手植山

藥常伴兔絲留我筥。

兔絲以山藥為便已服十數年有助

尪殘幾隨竹葉泛。

君筵

持正家為山藥酒最佳去冬屢享之

誰言御水傳名久，須信睢園得

地偏纔獲靈根便，親植一番新葉已森然。

四并亭詩

蹀林初躍玉羈旋已覺芳菲近日邊塞上臘脂侵酒面  
江南寒食落尊前魂迷一水花臨浦醉入東風絮滿天  
金谷更饒春色好四難猶恐負華年

送陸子履修撰出守澶淵

前守滑臺

金門學士富才華又擁雙旌照水涯海日三竿隨放仗  
春風五馬去如花帳兵夜握龍泉濕舞女朝垂錦帶斜  
君看有唐賢太守風流常是屬詩家

送富郎中守蘇州

綠綈傳詔下天畿  
驛馭駸駸擁使麾  
境上人瞻司馬節  
里中畫耀買臣衣  
賓帷華履侵宵會  
農野朱轡帶雨歸  
方有壯圖深許國  
庾園無計戀芳菲

送程公闕給事出守會稽

兼集賢殿修撰

越州太守何瀟灑  
應為能吟住集仙  
雪急紫濛催玉勒

公闕新奉使歸紫濛使中館名

日長青瑣聽薰絃  
一時冠蓋傾離席  
半

醉珠璣落彩牋  
自恨君恩渾未報  
五湖終負釣魚船

寄公闕

念昔都門手一携，春禽爭向苧蘿啼。  
夢回金殿風光別，吟到銀河月影低。  
舞急錦腰迎十八，酒酣玉醖照東西。  
何時得遂扁舟去，雪棹同君訪剡溪。

送吳仲庶待制出守長沙

畫船催鼓送將行，一醉離觴下玉京。  
延閣漏閒空紫索，洞庭波起獵紅旌。  
曾冠獬廌回讐却，佩龍泉種落驚。  
莫向江城嘆卑濕，賈生不似使君榮。



送元厚之待制出守福唐

南擁旌旗照海傍，甘泉新第從臣章。  
三休華閣窺天象，幾日朝衣帶御香。  
溪水雙流隨畫楫，荔枝初綠映雕觴。  
頌春莫向常思嶺，歸夢先應到帝鄉。

常思嶺在閩縣

送向防禦出守淮揚

漢符新寄近天畿，便別晨班下玉扉。  
金印旋成龜左顧，瑤箱嘗認燕雙歸。  
春風滿野紅旌駐，夜雨侵筵翠笋飛。  
况是韋平有家學，須將名譽敵恩輝。

書四望亭

軒然獨到碧峯頭，萬里青霄入寸眸。  
日夜松聲如雨急，古今山色與雲浮。  
廢朝風物依然在，客路江波滾滾流。  
漢輦已沉江樹老，天涯寂寞下歸舟。

上元

昔年今日從宸遊，綵仗紛紛已御樓。  
半夜衆星來紫極，一春萬火縱丹邱。  
玉欄曾侍看山久，翠醪仍酣賜醴優。  
錦帳宵寒薰易歇，夢魂直欲到天頭。

依韻和景仁寄河中公儀龍圖

錦江回日應迢遞聞道秋來已到城南省深沉春又鎖

東樓悵望雨中情

公儀昔同知舉嘗登東樓賦春雨詩

河聲欲轉吞鼙鼓

山色初明照旆旌別後新詩有多少鍾嶸那得為君評

資善堂御筵送太子少保致仕李東之歸西京

詩

治平四年奉聖旨撰

紫閣飛章謝寵名離筵特地敞宮楹杯深御酒先成醉

坐上中使持金荷葉勸酒少保感銜恩遇不覺露醉衣拂京塵頓覺清少室舊遊

窺玉雷甘盤餘訓薄金羸誰言疏傳東歸盛不得君王  
一餞行

資善堂御筵送尚書刑部侍郎致仕李受歸廬

山詩

治平四年  
奉聖旨撰

都門車馬動行塵詔集華堂寵退臣  
延閣帶經為舊老  
商山攜杖作歸人  
燕回天上還侵晚  
夢入江南已見春  
曾抱遺弓泣陵土  
此生無復犯龍鱗

侍郎先帝東宮舊  
臣嘗為諫官近陪

靈駕西還即  
致仕以歸

送致政太師潞國文公以賜燕玉津園感恩述

懷

玉符初解自逍遙暫駕安車近九霄無限高名齊少室  
不言休績在三朝好披雲鬢呼遼鶴忽把仙巾換漢貂  
御苑清明開特燕莫辭仙醴勸金蕉

瓊林苑御筵送致政太師潞國文公歸西洛

祖燕催移玉殿班都人齊向苑傍看古來少有三師退  
天下曾將大器安綠野春深花更好石樓夜午月應寒

塵埃抖擻無餘事却憶磻溪舊釣竿

依韻和蔡相公侍燕集英殿詩

元豐七年三月十八日是日皇

子延安郡王侍立

春風又侍瑤池宴帝子初臨黼座傍花覆衣冠多喜氣  
雲扶宮殿滿榮光仙人來獻重輪曲丞相仍裁湛露章  
身老太平殊未報年年更得奉君觴

恭和御製上元觀燈

雪消華月滿仙臺萬燭當樓寶扇開雙鳳雲中扶輦下

六鰲海上駕山來，  
鑄京春酒霑周燕。  
汾水秋風陋漢材，  
一曲昇平人共樂。  
君王又進紫霞杯。

七言排律

依韻和王宣徽奉安中太一神像

太一真庭結寶壇，  
中涵元象本無言。  
三山波湧樓臺近，  
北極星環劍佩尊。  
歲入飛宮初在丑，  
神移列馭直從坤。  
妖氛自逐靈旂捲，  
瑞穀常登御廩蕃。  
曉日破紅浮鬪拱，  
夕雲凝紫護周垣。  
龍隨御筆棲碑首，  
鶴帶仙書語洞門。

天馬應歌來仗衛  
嶽祇聯職聽朝昏  
傳聞詞客新吟苦  
玉案纔承上帝恩

七言絕句

虎北口絕句

來無方馬去無輪  
天險分明限一津  
願得玉龍橫十萬  
榆關重識故封人

依韻和范景仁內翰張公舍人留題子履草堂  
門前車馬走塵埃  
偶到東園眼暫開  
鰲嶺鳳池人去後



不知載酒又誰來

聞君築圃多奇植紅藥黃花落又開惟有庭前歲寒竹  
時時雙鳳下飛來

摸斗嶺

戴斗疆陞省識華更憑重阜切天涯安知玉殿開閭闔  
日月星辰在帝家

思鄉嶺

曉入燕山雪滿旌歸心常與雁南征如何萬里沙塵外

更在思鄉嶺上行

依韻和吳相公聞南宮放榜喜雨即事絕句

紫掖清晨捧號來  
門前桃李占先開  
滿城風雨逢寒食  
更聽春巖第一雷

小桃絕句

小桃常憶破正紅  
今日相逢二月中  
自是粉闈人未識  
莫因花晚笑春風

和公儀小桃絕句

粉闥飄雪對清晨二月桃花始見春  
莫向東風恨開晚  
鳳城猶有未歸人

送程公闕刑部出守南昌

鍾陵從昔號名州綠髮仙郎作郡侯  
波送蛟龍歸海上  
雲隨旌旆落天頭

淮上阻雪寄梅公儀龍圖絕句

淮上驚波欲去難更逢春雪下雲端  
思君一夜如千里  
手把瓊枝不奈寒

題李右丞王維畫雪景絕句

微生江海一閒身，偶上青雲四十春。  
何日扁舟載風雪，却將蓑笠伴漁人。

依韻和吳相公南郊春晴題齋宮壁絕句

玉津馳馬柳風斜，雨急金鱗走御沙。  
南畝農民望新霽，不勞雲意苦相遮。

市駿坊

幽州

平昔君王事勝遊，日斜滄海尚停輶。  
千金駿骨今誰顧。

死駕鹽車亦未休

杏壇坊

檀州

幾年文字齒將利  
駟馬今遊一駐鞍  
自笑不如虎賁士  
翻令捉臂笑儒冠

依韻和元叅政正月十九日候聚廳移刻未至  
口占絕句

日下龍樓禁漏疎  
朝衣猶自覆熏爐  
五房人退文書靜  
閒看河州瑞麥圖

會仙石詩

奉使羣材笑拍肩  
玉漿春酒已醅然  
當時曾舐淮南鼎  
亦恐茲山自有仙

失題

華省當時綠鬢郎  
金樽美酒醉紅芳  
今日對花不成飲  
春愁已與草俱長

初見迎春識春新  
欲插迎春驚春半  
朱門深鎖不知春  
苒苒年光暗中換

題齋宮

鄰雞未動曉驂催  
又向靈臺飲福杯  
自笑治聲知不足  
明年强健更重来

和梅公儀琴高魚同聖俞

三月江南花亂開  
青溪曲曲水如苔  
琴高一去無蹤跡  
枉是漁人尚見猜

--	--	--	--	--	--	--	--	--



欽定四庫全書

華陽集卷五

宋 王珪 撰

宮詞

花裏宮鶯曉未啼  
千牛仗下報班齊  
銀袍五百趨龍尾  
天子臨軒賜御題

洛陽新進牡丹叢  
種在蓬萊第幾宮  
壓曉看花傳駕入  
露苞方拆御袍紅

一片桃花一片春  
夜來風雨落紛紛  
多情更逐東流水

還作高唐夢裏人

碧桃花下試枰碁  
誤算籌先一着低  
輸却鈿釵雙翡翠  
可勝重勸玉東西

燕去燕來閒白晝  
花開花落送黃昏  
年年好景春風妬  
夢裏鉛華濕淚痕

侍輦歸來步玉階  
試穿金縷鳳頭鞋  
階前摘得宜男草  
笑插黃金十二釵

瑤臺夜滴金莖露  
水殿涼生玉枕風  
卧看星河歸閣晚

月斜疎影轉梧桐

簾旌風捲綠波流  
繡扇紅鸞五綵樓  
撮角茶床金釘校  
暗花香印錦紋頭

臨明一陣梨花雨  
夢隔珊瑚斗帳明  
後苑樂聲催引駕  
春衫初試覺身輕

燕子初來語更新  
一聲聲報內家春  
遙聞春苑櫻桃熟  
先進金盤奉紫宸

盆山高疊小蓬萊  
檜栢屏風鳳尾開  
綠遶金堦春水澗

新分一派御溝來

內苑宮人學打毬  
青絲飛控紫驂駒  
朝朝結束防宣喚  
一樣珍珠絡轡頭

夜深獨倚欄干角  
玉笛橫吹弄月明  
餘響度雲無處覓  
人間聞得兩三聲

新學琵琶曲破成  
仙韶第一已知名  
朱絃未落黃金撥  
玉腕先聞動釧聲

太尉洮岷破敵迴  
腰垂金帶入闕來  
殿前獻壽天顏喜

花覆千官拱御杯

元夕星燈照露臺六宮歌吹出雲來  
夜深翠輦歸金殿  
十里迴廊錦帳開

後苑歸來月上初天歌吹引六鸞輿  
春風料峭餘寒重  
猶索金函覽奏書

金雞竿下龍旂動萬國華夷拜冕旒  
十二門開傳詔急  
祥雲捧日在樓頭

數騎紅妝曉獵還銷金羅襪縷金環  
佯佯走馬穿花過

拂拭雕弓對御鸞

晚來東殿放笙歌  
外院池亭得暫過  
深炷爐香登月榭  
攔干西角拜姮娥

中宮賜雪玉成峯  
滴露堆寒冷照空  
三十六窻明月夜  
姮娥渾在水晶宮

兩班齊賀玉闕清新奏  
熙州曲破成畫鼓  
連聲催擷遍  
內人多半未知名

內庫新函進御茶  
龍團春足建溪芽  
黃封各各題名姓

賜入東西兩府家

博士當年教玉笋六宮誰敢鬪新聲如今舊曲無心理  
寶柱一行秋雁橫

宮人捧硯臨香案一幅春綃展素霞玉筯彎環題御篆  
風雲金殿起龍蛇

銀盆著水灑毬場馬嚼銜聲立兩行齊上玉鞍隨仗列  
粟金腰帶小牌方

三殿飛雲禁鑰開風從天上送春來諸藩玉帛朝元日

齊獻南山萬壽杯

黃昏鎖院聽宣除翰長平明趨起居撰就白麻先進草  
金泥降出內中書

魚藻宮中淑景長鴨頭新水御池塘竒花深院門門閉  
總被春風漏洩香

石刻蛟螭扶繡柱金盤龍鳳走雕楹萬年枝上流鶯囀  
屏掩春山夢不成

紅濕春羅染御袍透簾三丈日華高金針玉尺裁縫處



一對盤龍落剪刀

內家宣賜生辰宴  
隔夜諸宮進御花  
後殿未聞公主入  
東門先報下金車

端午生衣進御床  
赭黃羅帕覆金箱  
美人捧入南薰殿  
玉腕斜封綵縷長

選進仙韶第一人  
纔勝羅綺不勝春  
重教按舞桃花下  
只踏殘紅作地裊

侍女爭揮玉彈弓  
金丸飛入亂花中  
一時驚起流鶯散

踏落殘英滿地紅

七寶欄干白玉除  
新開涼殿幸金輿  
一溝泛碧流春水

四面瓊鉤搭綺疏

山樓彩鳳栖寒月  
宴殿金麟吐御香  
蜀錦地衣呈隊舞

教頭先出拜君王

天外明河翻玉浪  
樓西涼月湧金盆  
香銷甲乙床前帳

宮鎖玲瓏閉殿門

西風敬葉撼宮梧  
早怯秋寒着繡襦  
玉宇無人雙燕去

一彎新月上金樞

夜寒金屋篆烟飛燈燭分明在紫微漏永禁宮三十六  
燕回爭踏月輪歸

曉吹翩翩動翠旂爐烟千疊瑞雲飛何人奏對偏移刻  
御史天香隔繡衣

金井秋啼絡緯聲出花宮漏報嚴更不知誰是金鑿直  
玉宇沉沉夜氣清

內庭秋燕玉池東香散荷花水殿風阿監採菱牽錦纜

月明猶在畫船中

東宮花燭綵樓新  
天上仙橋不鎖春  
徧出六宮歌舞奏  
姮娥初到月虛輪

紗幔薄垂金麥穗  
簾鈎織掛玉蔥條  
樓西別起長春殿  
香壁紅泥透蜀椒

翠華香重玉爐添  
雙鳳樓頭曉日暹  
扇掩紅鸞金殿悄  
一聲清蹕捲珠簾

金作盤龍繡作麟  
壺冰樓閣禁中春  
君王避暑來遊幸

風月橫秋氣象新

清曉自傾花上露冷侵宮殿  
玉蟾蜍擘開五色銷金紙  
碧瑣窻前學草書

翠鈿帖靨輕如笑玉鳳雕釵  
裊欲飛拂曉賀春皇帝閣  
綵衣金勝近龍衣

瑣聲金掣閣門環簾捲真珠  
十二間別殿春風呼萬歲  
中丞新押散朝班

雞人報曉傳三唱玉井金床  
轉轆轤烟引御爐香遠殿

漏籤初刻上銅壺

御茶橫金殿幄紅扇開雲表露天容太常奏備三千曲  
樂府新調十二鐘

宮女薰香進御衣殿門開鎖請金匙朝陽初上黃金屋  
禁掖春深晝漏遲

三月金明柳絮飛岸花堤草弄春時樓船百戲催宣賜  
御輦今年不上池

內人稀見水鞦韆爭擘珠簾障殿前第一錦標誰奪得

右軍輸却小龍船

夜色樓臺月數層  
金猊烟穗繞觚稜  
重廊屈折連三殿  
密上真珠百寶燈

天門晏閉九重闕  
樓倚銀河氣象閒  
一點星球垂絳闕  
五雲仙仗下蓬山

禁裏春濃蝶自飛  
御蠶眠處弄新絲  
碧窻盡日教鸚鵡  
念得君王數首詩

鬪草深宮玉檻前  
青蒲如箭荇如錢  
不知紅藥欄干曲

日暮何人落翠鈿

太液波清水殿涼  
畫船驚起宿鴛鴦  
翠眉不及池邊柳  
取次飛花入建章

御座垂簾繡額單  
冰山重疊貯金盤  
玉清迢遞無塵到  
殿角東西五月寒

春心滴破花邊露  
曉夢敲回禁裏鐘  
十二楚山何處是  
御樓曾見兩三峯

博山夜宿沉香火  
帳外時聞暖鳳笙  
理遍從頭新上曲



殿前寵直未交更

春殿千官宴喜歸上林鶯舌報花時宣徽旋進新裁曲  
學士爭吟應詔詩

釣線沉波漾綵舟魚爭芳餌上龍鈞內人急捧金盤接  
撥刺紅鱗躍未休

蕙炷香銷燭影殘御衣薰盡徹更闌歸來困頓眠紅帳  
一枕西風夢裏寒

東宮降誕挺佳辰少海星邊擁瑞雲中尉傳開三日宴

翰林當撰洗兒文

金鉦畫角警場開  
天子南郊玉輅來  
十里青城遙北望  
綵雲宮殿月樓臺

鼓角三聲夜奏嚴  
夕齋清廟宿重簾  
殿前太尉橫銀仗  
指點金盆御水添

鑿輿昨夜宿郊壇  
月淡風低綵內寒  
密寫銷金紅榜字  
宮中日日報平安

禁籞春來報踏青  
御池波漾碧連輕  
內人爭送鞦韆急

風隔桃花聞笑聲

露井銀床凍不收  
深宮花暗曉鶯愁  
殘紅滿地無人掃  
一半隨風落御溝

昨日龍輿幸寶文  
宸毫金軸展風雲  
前朝御印從頭折  
重整牙籤甲乙分

盤龍新織翠雲裘  
點檢黃封玉匣收  
防備秋來供御着  
金箱捧入曝衣樓

十三垂髻碧螺鬆  
學舞經年後苑中  
近日昭儀抄姓字

一時宣撥入東宮

內庫從頭賜舞衣一番時樣一番宜才人特地新裝束  
生色春衫畫折枝

黃金掌上露華稀朝退君王索輦遲到得經筵春講罷  
海棠花影數甄移

禁庭漏促斜沉月殿燭光寒未捲簾御仗催班元會集  
牙牌先入奏中嚴

焚香重熨赭黃衣恐怕朝陽進御遲禁鼓五更交早直

歸來還是立班時

素英飄洒作宵寒一寸金花燭淚殘  
連夜對香宣兩府  
平明謝雪到齋壇

盡日閒窻賭選仙小娃爭覓倒盆錢  
上籌得占蓬萊島  
一擲乘鸞出洞天

麗日祥烟鎖禁林櫻桃初熟杏成陰  
年年翠輦來遊幸  
花落春宮一寸深

夕宴中秋醉廣寒閨風銀闕鎖三山  
美人半夜歌明月

聲在玉壺天地間

新供御馬可曾騎青鬃連錢碧玉蹄每到殿前祇候駕  
金鞍卸下不聞嘶

六龍觀稼奉宸遊齊賀豐年薦麥秋後苑宴回卿相出  
內官金合送來麩

大家裝着鬪時宜獨自尋常拂淡眉為染淺黃衫子色  
金盃添水看鵝兒

簾搖翡翠金風晚瓦濕鴛鴦玉露天秋殿曉開重九宴

內人爭貼菊花鈿

崇文殿裏勝蓬萊繡柱扶天秘閣開典籍校讎三閣外  
圖書多出禁中來

六宮春色醉仙葩綺戶沉烟望翠華琥珀盤生山芍藥  
絳紗囊佩木香花

花外欄干壓翠簷水邊金閣半垂簾內砧敲月黃昏後  
坐覺寒風一倍添

十年一住廣寒宮雲戀歌聲慣遶空長愛惜花花下唱

袖和金縷怕春風

雪晴鳩鵲樓邊月風落昭陽殿後梅爐炭炮消香獸暖

獨拈香箸撥紅灰

花香着藥藏蜂翅柳影拖金入瑣窻舞鑑曉鸞無奈隻  
認歸梁燕却成雙

玉兔何年上月宮夜間搗藥特無踪神丹不老姮娥髮  
乞取刀圭駐玉容

萱草成窠杏子青夜聞禁漏曉聞鶯吹回一覺昭陽夢



帳外春風太薄情

翡翠盤龍裝繡額  
真珠雙鳳感花毬  
時聞玉女牽簾笑  
箭躍銅壺不算籌

迢遞金壺漏水長  
輪更傳點報君王  
諸宮各進時新果  
堆着龍床駐夜香

殿下排場擊土牛  
君王玉仗久遲留  
內人爭卜宜春喜  
奪得金泥各自收

千年一偶聖人生  
豈特河清海亦清  
瑞應固宜流樂府

行看絲竹有新聲

沉烟搖碧透金鋪  
密下珠簾鎮玉壺  
近賜趙昌花雀障  
却嫌崔白艾荷圖

小雨霏微潤綠苔  
石欄紅杏傍池開  
一枝挿向銀瓶裏  
捧進君王玉殿來

立春內中帖子詞

皇帝閣

北地凝陰盡千門  
淑氣新年年金殿  
裏寶字貼宜春

麗日凝丹闕光風拂紫闈欲知春色早先上赭黃衣

雲捧樓臺切絳霄太平天子未央朝帝家春色年年好  
萬壽觴前奏九韶

禁沼冰開跳錦鯉御林風暖轉黃鸝金輿未下迎春閣  
折遍名花第一枝

丹門瑞霧紫濛濛日到蓬萊正殿東只看御爐香欲起  
珮環齊響半天中

春入東郊曉望明霏霏新雨點初成野農豈解知堯力

唯喜年來墾易耕

皇后閣

正道儀中閫柔風表六宮一傾春日酒萬壽與君同

未染仙人杏偏柔帝女桑應知蠶事早不獨鬪年芳

平橋御水破冰痕忽覺東風徧九門誰道帝家春不早

椒房昨夜已先溫

迎得韶光入壽杯披香華殿倚雲開只應王母瑤池宴

又送新春寶勝來

雪殘宮瓦欲生烟，已覺風光變舊年。  
應自東皇報春後，又扶君德進忠賢。

溫成皇后閣

御柳依然綠宮苔，取次生黃鸝。  
深處語不似舊時聲，平昔歌聲斷。  
凝塵滿畫梁，昭陽新奏曲，誰得奉君觴。  
遙聞碧海有三山，雲鎖瓊樓。日月閒。  
花下玉顏常不老，也應春色勝人間。

宮樹沉沉鎖玉扉，東風猶復度羅幃。  
此身不及春來燕。

又向披香殿裏飛

夫人閣

翠縷爭垂柳紅酥旋點花  
林中都未有疑是舊年華

玉殿聞春到羅衣照地紅  
君恩深漢帝不惜舞東風

綵燕迎春入鬢飛輕寒未放縷  
金衣苑中忽報花開早  
得從鑿輿向晚歸

金縷新幡翠鳳翹側商催酒轉  
宮腰玉欄風急花零亂  
始覺春寒第一朝

月殘鳩鵲雪離離  
禁裏春風自有期  
曉憶梅花誰為折  
從來不許下瑤墀

端午內中帖子詞

皇帝閣

萬里關山靜清陰  
滿塞榆如何金殿裏  
猶獻辟兵符  
瑞日浮丹闕仙雲滿  
玉輿更傳長命縷  
寶曆萬年餘  
泰一扶皇運真人感  
赤精更逢端午節  
君德萬方明  
御醕瓊盃白仙風羽  
扇清靈符不須進  
漢壘已銷兵

萬里來珍貢風濶靜四溟魚龍驚咒水神霧忽生庭

波生碧海露晨曦爭剽菖蒲集御卮見說太平無沴氣

山中叢艾獨生遲

采絲纏綬動嘉辰浴殿風生畫扇輪拂曉千門放金鑰  
玉階還有謝衣人

沉沉三殿燕華紳雲覆端門瑞氣新晝漏未移天正午  
此時兼有日重輪

御柳重重午影圓薰風時泛舜琴絃六宮競進長生縷



天子垂衣一萬年

禁幕無風日正亭  
侍臣初賜玉盤冰  
不知翠輦遊何處  
應在瑤臺第一層

翠華初到玉池遊  
笑指宮人按權謳  
湘水英魂在何處  
猶教終日競龍舟

御池風暖水如鱗  
爭看蘭舟競渡人  
應是君王好忠直  
至今猶為弔孤臣

太上皇后閣

兩儀坤載厚四海母儀深願上菖花酒年年聖子心  
花 菖

菖蒲  
別名

漢殿炎風少輕涼已動衣每來觀織室不許夜停機  
仙艾垂門綠靈絲遶戶長何人握彤管金殿紀多祥  
有德名終大無為福自延更聞天子孝薦朮助長年  
寶縷千祥集靈符百疫禱天人無限福未老見曾孫  
複道青槐合瑠盤碧李新百靈扶繡戶不假艾為人  
池邊草色迎人綠庭下榴花照地紅曉獻瑤觴千萬壽

鳴梢聲入寶慈宮

水風吹殿送微涼  
竹葉金盤糗子香  
試向躍龍門上望  
不教車馬勝南陽

釵頭艾虎辟羣邪  
曉駕鮮雲七寶車  
宴罷瑤池紅日晚  
歸來零亂滿宮花

浮雲仙殿切昭回  
甘露通宵滴玉杯  
金鎖纔開團扇入  
聖神天子問安來

平明三殿進觴初  
玉女傍邊捧道書  
探得長生太清錄

同扶皇厯萬年餘

幾年退樂紫房居天下猶傳還政書玉案焚香讀黃老  
人間宮殿午陰初

皇后閣

玉作仙家殿都無暑氣侵猶裁葵葉扇常有愛君心  
繭館桑陰合新絲已上機憂勤不知暑親織袞龍衣  
金屋風光別仍逢令節新爭傳九子糴皇祚續千春  
五月炎風熾憂勤紫掖中催裁恤刑詔曉下未央宮

侍兒清曉進仙裳  
玉筦齊調奉帝觴  
應有瑤箱舊時燕  
直隨歌舞到昭陽

君王初幸集靈臺  
碧藕催花海上開  
見說一房皆百子  
鳳銜雙蒂幾時來

君王未帶赤靈符  
親結雙龍獻寶珠  
更與宮娥花下看  
工夫還似外邊無

水晶宮殿曉風微  
天女乘雲獻玉衣  
誰把輕綃裁畫扇  
直疑雙鳳向人飛

夕然辟惡仙香度朝結延年帝縷成願上玉宸千萬壽  
薰風常泛舜絃聲

紫閣瞳矐隱曉霞瑤墀九御薦萑華何人又進江心鑑  
試與君王却衆邪

夫人閣

金縷黃龍扇蘭芽翠釜湯君王回浴殿步輦自生香  
繞臂雙條達紅紗書夢驚連吹紫雲曲不及晚妝成  
綠艾初垂戶青菰已薦觴人歸宮殿午偏覺晝陰長

畫棋無塵乳燕飛薰風時復度羅衣君王避暑蓬萊殿  
向晚笙歌簇輦歸

日長珠箔漏聲稀團扇新裁越女機進罷采絲三殿晚  
萬年枝上亂鶯飛

後苑尋青趁午前歸來競鬪玉欄邊袖中獨有香芸草  
留與君王辟蠹編

火雲時節促金刀旋捲珠簾剪絳綃天上莫將塵世比  
房櫳都未覺炎歊

偶從選入侍仙都歌舞常承玉殿呼欲謝君恩却無語  
心前笑指赤靈符

一樣紅裙試舞斜堦前妬盡石榴花明朝知是天中節  
旋刻菖蒲好辟邪